


T 3200/4245. 81

CHINESE - JAPANESE LIBRARY OF  
HARVARD - YENCHING INSTITUTE  
AT HARVARD UNIVERSITY  
MAY 18 1938



卷之四

人物

子曰地以人重平人以地重乎以地重者無事也

而天下固若無事也夫地重則地尤以人重也而人

不一致也夫地重則地尤以人重也而人不一致也

夫地重則地尤以人重也而人不一致也夫地重則地

尤以人重也而人不一致也夫地重則地尤以人重也

而人不一致也夫地重則地尤以人重也而人不一致也

安慶府桐城縣志卷之四

人物上

序曰地以人重乎人以地重乎賦稅高者歸美爲翰  
稱王國者推本維楨則地尤以人重也而人之類恒  
不一致太立立德其次立功其次立言推之亮節弗  
欺大年未艾均以所得形氣之正超然品彙之表此  
固以物治物而不物於物者也景行相望卽以桐爲  
人倫之淵藪可矣志人物

哈佛大學漢和  
圖書館珍藏印

理學

序曰人物備矣而先之以理學崇其本也扶世運正人心胥於是賴故首及之竊吾道之大理何在不寓學何地不存身體力行乃有得於語言之外者如必欲分門樹幟藉口朱陸異同則誣矣以今觀諸桐自省齋倡始於前姚方諸君接踵於後大抵以性善爲宗旨知爲極天根月窟直探淵源不惟有功新建而鄒魯薪傳將在是也遙七千古徵斯人其誰與歸志

理學

理學

明

何唐字宗堯正德辛巳進士少孤貧沉潛有大志年二十卽以斯道自任嘗布袍跣屣過大司寇錢如京第京方宴客帷錦綺觴金玉而樂也聞唐至易以練縉冠金乃迎入客曰何生不高士乎京曰練縉冠正以樂高士也其爲人所憚重如此初授南兵部主事有直指僉金虞其弗受戒使者致而去唐欲辭不得嘆曰吾耶安得宿此乃易錢周九市之丐曰代直指

桐人知學  
自以

為惠耳後因快船事件中貴告病歸居旗嶺下不天  
城除夕騎驢抵邑元旦謁文廟不投刺有司有司致  
餽皆謝之凡從遊者每論以稽古明道立法善俗為  
先嘗慕孔門曾子之學作日省錄夜則披閱自省因  
以省名齋一時人士趙鏡彭寶張夔江鯨輩皆出其  
門桐人知學自唐始學者稱省齋先生崇祀鄉賢  
張翰知字端翔邑諸生先世以易為桐人師及翰如學  
益精博考諸家叅以獨見著周易疏若干卷學易者  
多出其門年踰七十猶設講不輟人稱白灘先生

完字仲修嘉靖甲辰進士官戶部主事分司德州  
金悉入之公藏大司徒廉其貧復以視太倉完乃故  
謁夏相國曰臣病脚太倉當冷食若何夏笑曰君故  
廉不欲太倉耳改刑部郎時嚴嵩用事念完名高與  
得其私謁完竟不往會同部郎張翀上疏劾嵩杖  
夜郎嵩偵其疏與完合草遂補貴州僉事盜賊時  
完召其跋扈上官杖之而以恩撫其子民人畏服  
任三月威德大著抱病歸時年四十二無他嗜好  
研窮理學獨宗新建與張甌山羅近溪耿楚侗

溪徃復論難性命之旨多所發明家居四十年無  
干謁時政不便民者見有司輒盡言年七十九卒  
者昌萬曆庚子舉人者顯萬曆甲辰進士者昂太  
生

童自澄字定夫萬曆間布衣初見張甌山卽毅然志  
家貧不事生產嘗自言曰泰州起布衣爲餘姚高足  
彼丈夫也遂交四方講學之士弟子彌衆建輔仁會  
館於棕樓之坐臥一小樓怡神養氣年八十顏如童  
嘗對齋前一小石自訟或負石立或長跼不起人

成笑之澄曰維石至靜吾故愛之耳因自號其居爲  
靜齋一日會諸友於古道巷家人報失火澄色不變  
徐步歸但問曰稚孫安在稽首向火携孫去竟所談  
而罷五歷縣尹式其廬卒年八十四

趙銳字子恒幼警敏日受書千言聞何省齋先生倡道  
桐溪遂師之十五出試郡邑院首精尚書里中人  
咸從之學已而入成均祭酒王某與談終日方之顏  
子八試始獲爲銳益發抒所蘊嘗論顏子去文歸朴  
晦明用愚論孟子鍊心於事理中告子制心於事



外朱陸殊途同歸凡數千百言省齋嘗自許聖門之  
在而謂銳爲聖門之狃將五十再上公車不利就東  
郭闢顏樂巷築室貯書日明經老此生耳弟中丞鈇  
勸之仕乃爲建寧令三年擢均州始至謁中丞章委  
查罪人狀殊末減章日毋乃太寬乎銳日以法繩下  
則人可誅若法窮繩絕於民何裨不若寬其末而嚴  
其本也章默然久之日子有道之士延之臥閣與論  
新建良知之旨章悅服銳素少宦情因乞休章大書  
林下一人四字贈之旣歸杜阿日與山樵野史浮白

歌詩沉酣名理卒年六十四學者稱恒菴先生

方學漸字達卿號本菴年十三失父卽能黽勉志洛閩  
之道好學善屬文不戚於貧賤刺史趙恒菴擇婿  
召諸邑人試之學漸以泥塗布衣往作擬書一篇文  
一首趙竒其才遂以女妻之趙氏有奩田在邑北三  
十里學漸以歸其兄日弟筆耕藉是以奉兄耳時庭  
左楓杞二樹峴然連理旣開復合觀者以爲昆弟之  
祥因亭其下日連理亭及兄歿哀涕作連理賦歲講  
學桐川秋浦開揭性善之宗力詆二氏晚築桐川

館門下士數百人既又爲合族建一本祠修世譜以  
明長至率少長舉祀事作祠規飲酢歌詩一準古禮  
以子貴累封至江西道御史所著有易蠡邇訓桐葵  
續庸言諸書門人稱爲明善先生郡邑春秋祀焉  
天應賓字尚之方伯一介之四子也少穎異毋孫氏夢  
飛星入口而生五歲入塾日誦千言十四博覽群書  
及禪官四乘登萬曆丙戌進士第五選庶常授翰林  
編修數年以目眚告歸居鄉四十載惟閉戶著述深  
於性命之旨幼所讀書似能記憶有未讀者令人旁

讀而已聽之輒能辨其訛舛記其次序爲文數萬言  
口授而錄之字從古從今辨晰不爽撰延陵家譜戒  
子弟以敦睦宗黨爲要天啓中同里左光斗方大任  
交章以理學薦特召病不克赴加左春坊上疏極論  
時政上嘉之宜付史館崇禎甲戌桐有民亂遜於郊  
悵然曰世界自此不太平矣至南灣別墅端坐而逝  
時年七十所著有宗一聖論十篇性善二書學庸釋  
論悟真篇註方外遊采真稿行世門人姚康等稱爲  
宗一先生

相人得  
食白鹽  
後此妖

方大鎮字君靜明善先生長子萬曆己丑進士授大名府推官平反疑獄全活百三十人擢御史以疾乞歸丁未起巡鹽浙江皖屬六邑舊食黑鹽鎮上疏改桐邑得食白鹽至今利之尤尚風節崇理學特疏爲簡討陳憲章布衣胡居仁請謚尋按河南再請褒崇理學名臣鄒元標等尋遷大理丞晉左少卿虛公平駁凡出死囚十三人使蜀陞辭力疏經筵四事時憲臣鄒南皋馮少虛建首善書院於京師聚同志講學大鎮與焉及使還群小排斥理學毀書院鄒馮皆去位

大鎮並得同人於野遂號野同公隱白鹿山與門人講學不輟作居敬論六篇他所著有聞斯錄桐川講義易意詩意禮說數十種別號魯岳性至孝母太恭人歿年垂七十猶哀毀廬墓服未闋及禫而卒門人稱爲文孝先生祀鄉賢祠

趙鴻賜大中丞鈇長子萬曆間爲太學生性篤孝中丞立祠堂置祭田鴻賜之力居多好讀書淹貫六籍旁及百家師事耿天臺張甌山兩先生與焦漪園管東溟等稱高弟又從羅明德先生遊因開宜秘洞會

集多士爲陋巷會戒約衍新建良知之旨桐川之士  
奉爲典型年七十有四所著有海鷗吟無甚高論跪  
石齋稿學者稱樞江先生子士先亦太學生守先訓  
閉戶著述有晚研堂蝶園諸集

姚希顏字崇孔邑諸生貧而能樂觀牙籌輒輦感人語  
錢穀羞澁不對至談名理則暢然發舒不厭歲大饑  
采浮萍爲食晏然也嘗有田廿畝新穀初升悉聽子  
弟之索或曰原憲亦施子乎荅曰正惟原憲能施子  
使石崇王愷在豈能易吾簞瓢陋巷哉因自號尋樂

手晚與方明善講學桐川會館人稱克齋先生

葉燦字以冲萬曆庚子舉人爲孝廉十四年貧事筆耕  
潛心理學癸丑成進士官編修己未同考得士十九  
人遷國子司業士習浮競燦爲開示名理進以古學  
以魏瑞故落籍歸里築室峒峒下惟賦詩適志崇  
禎初起掌院事教習庶吉士以陶淑人才爲務轉南  
京吏部侍郎禮部尚書會修鳳陵工成奉命越江告  
祭往來勞勩以病乞休旣致仕悉屏世緣累書數萬  
卷坐臥其中年七十八卒謚文莊所著有讀書

錢志立字爾卓萬曆間諸生師事趙鴻賜顏素倡明理  
學稱高弟邑令西蜀劉公時俊聞其名聘修邑志母  
童孺人卒出所著舉子業盡焚之泣日咕嗶半生爲  
老母也今已矣自是闢館於叢桂之間聚徒講易其  
說散見於輔仁遺編卒年七十四

方孔炤字潛夫廷尉大鎮之子也萬曆間進士初任嘉  
定州調福寧所至有清廉聲入爲職方郎會魏忠賢  
欲封其兄子魏良卿爲伯固執不覆削籍崇禎戊辰  
復起尚寶卿尋丁外艱廬墓三年著明三世之學九

經各有精義又著全邊畧記甲戌民變焚掠巨室獨  
不與而因以靖亂撫按表薦之起南壘卿陞都御史  
巡撫湖廣時總理熊文燦主撫議招賊張獻忠於穀  
城孔炤獨上八策言撫之誤與督師楊嗣昌不合乃  
獨調楚撫孤注襄陽聲援不及致有香油坪之敗遂  
下大理然炤在楚九戰八捷一劬爲嗣昌所陷天下  
冤之故旋白得趣陞見尋任河北屯撫甲申南歸隱  
白鹿山復廣曩時園中與黃石齋相商之易著成時  
論十卷蓋數百年與康節互相發明也手一編雖病

弗奪他文集亦若干卷卒之日里爲罷社門人稱爲  
貞述先生子以智崇禎庚辰進士

國朝

陳朝棟號籛石萬曆卅諸生賦性凝重初授論語孟子  
卽有志聖賢之學其師異之長益殫精宋儒諸書以  
爲大道務在躬行苟操履弗篤不但象山慈湖之徒  
流爲禪趨卽得程朱正傳亦未免文多實少也故生  
平孜孜唯求寡過邑令王廷試甚尊禮之朝棟旅  
中一揖外未嘗造謁性尤篤孝父有嬖姬無出

池人子爲後棟知艾意所屬舉產姪分授焉而

田數畝自處怡然甘貧無少尤悔其曲成親志如

後子焯成進士例得封如其官棟布衣蔬食徒步鄉

閭每語人曰吾生老逢掖豈宜越分邀榮年七十三

卒里人稱爲孝醇先生時督學石臺李公有繼性哲

以開來汰二溪而闡性之謀蓋實錄也所著有清越

樓目錄三易露箋各十卷

王瑜字石仲負性端重言動不苟工制藝有聲膠庠所  
志在窮理盡性發明先聖之微言視功名富貴泊如

也遠近執經戶屢恒滿有躍冶者輒閉目思過人皆  
化之順治丁酉以歲薦任上元縣訓導未幾罷歸益  
肆力程朱之學於皇極通書各有詮解每月朔為幸  
會講論不倦所裨後學良多卒年七十人稱之曰先  
生

方以智字密之號曼公又號龍眠愚者中丞仁楠公長  
子九歲善屬文十五經史皆能成誦比冠著書數萬  
言與江左諸賢雋力倡大雅以正氣名節相推尚前  
已卯舉于鄉庚辰成進士會中丞公撫楚勦賊忤時

初被逮公控疏請代勝行流涕者兩年卒歸當守節

家壬午授翰林院簡討賊陷都城避執不屈因奔回

南值仇楚柄國遂流離嶺表王師收粵復歸鄉土

兼遊方外勵志冰雪旅病萬安臨終猶與弟子講業

論道語不及世事學者稱為文忠先生公博極群書

天人禮樂象數名物以及律曆醫藥聲音文字靡不

淹洽精貫所著有周易圖象幾表通雅物理小識炮

莊會宜編易餘陽符中術東西均旁觀錄鼎新平衛

諸子燔痛切韻聲原烹雪錄浮山全集凡數百卷公

家傳三世講學至公益集大成有功聖門匪淺也爲人操履平恕不耻惡衣食堪人所不能堪脩然自得既沒之後海內莫不服公之志節焉三子中德中通字履淵源家學砥行替修皆無忝先世云

吳道新字湯日號無齋少負文名前丁卯舉于鄉標格雋挺同輩莫出其右卽公自以才華譽望足冠冕江左不意屢困春官不第家貧世亂乃就司鐸于廣陵句曲之間非其好也生平游覽山川人物詩歌古文詞所至輒盈篋崇禎末以特薦陞國子監助教旋

秩工部主政日擊時艱遂徒步歸故鄉隱白雲山迨遙松竹齋居願養臻壽大耋尤邃方外之學營生壙以待老比于唐之司空圖云著書凡數十卷林下自娛學者爭師事之稱爲無齋先生

胡效才字用甫嘉靖乙丑進士生而篤孝十七就傳卽潛心正學久之得諸儒之粹首闢良知教人不外謹獨二字四方學者甚衆同里方公學漸爲得其宗其以明善之旨提唱海內悉本師承淵源之自備載方公通訓桐廩續諸書爲於六經尤邃於尚書年五十



成進士以觀政卒於京謚文孝崇祀鄉賢子進士瓚  
 克紹前學構萬卷樓日閱一卷丹黃無遺著有四書  
 訓畧尚書過庭雅言禹貢備遺尚書揣摩左傳集解  
 禮經會元泉河史史奕史評解愜堂集琢玉堂集餘  
 古編寄傲齋集粵遊草濟上詩刊諸書行世孫諸生  
 莫祚力學高蹈著有四書承志駢雅杜詩集解荷薪  
 草堂詩文集手授幼子彌彈編藏于家理學世濟人  
 方之西山蔡氏云

左正誼字龍媒號硯農生而岐嶷就外傳謂四子書

曉太義七歲失怙擗踊號慟如成人十入入郡學旌

食餼覺宮鍵戶龍眠究心太極西銘諸書窮濂洛之

淵源考宋陸之同異以倡明絕學為已任一時人士

爭執經問業屢滿戶外焉事母至孝自垂髫至頽白

數十年如一日常東遊吳越南浮荆楚時以其所行

發為詩古文辭抵京師盡發行笥頂諸名卿相與講

道論德無虛口著有四書講義五經解義性善致知

孝慈知言養氣先天圖說諸書以子之毅成進士

諸封明威將軍之毅倘邊有聲得之庭訓為養焉

仕績

漢

周榮字平孫廬江舒人也肅宗時舉明經辟司徒袁安  
府安數與論議甚器之及安舉奏竇景及與竇憲爭  
立北單干事皆榮所具草竇氏客深惡之脅榮曰子  
爲袁公腹心之謀排奏竇氏竇氏刺客蒲城中謹備  
之矣榮曰榮蒙先帝大恩歷宰二城今復得備宰士  
縱爲所害誠所甘心故常敕妻子若卒遇飛禍無殞  
殮奠以區已腐身覺悟朝廷及竇氏敗榮由此顯名

子與爲郎中

周景字仲饗與子辟大將軍梁興府稍遷豫州刺史河  
內太守好賢愛士其拔才薦善常恐不及每  
延請舉吏入上後堂與其晏會如此數事乃  
送什物無不充備旣而選其父兄子弟事相  
稱曰臣子同貫若之何不厚先是司徒韓演在河內  
志在無私舉吏當行一辭而已恩亦不及其家曰我  
舉若可矣豈可令偏積一門故當時論者議此二人  
景後徵入爲將作大匠及梁興誅景以故吏免官禁

錮朝廷以景素著忠正復引拜尚書令遷太僕衛尉  
六年代劉寵爲司空君時宦官任人及子弟克塞列  
位景初視事舉奏諸姦猾自將軍牧守以下免者五  
十餘人遂連中常侍防東陽侯七覽東武陽侯具瓊  
皆坐黜朝廷莫不稱之視事二年以地震策免歲餘  
復代陳蕃爲大尉建寧元年薨以豫議定策立靈帝  
追封安陽鄉侯

宋

張漢卿監興國軍管軍與太守論事不合卽和陶潛歸

安慶府

成系

卷之四

仕績

古

去來辭歸隱三十年後宰相趙汝愚特薦之不起  
明

吳善國子生洪武初生至廣平知府時高皇御下以嚴  
善恪修其職上悅之在廣平精詳勤敏惠施百姓政  
聲焯也云

黃敏字宗學少以孝義著鄉里有文名洪武初除內丘  
一邑幕以考最入覲上見其丰度偉重擢兵部主事陞  
員外郎奏罷糧運不便者數事亡何以忤旨左遷上  
林監丞尋陞長蘆鹽運副使鹽弊爲清有奸奄私販

事犯誣敏也謫戍與州廷臣素器重敏感惜之兵部  
尚書方賓等交章奏敏才通識卓復擢工部虞衡司  
員外薦戎臣賢能者十餘人皆以立功登顯秩擢廣  
西按察司副使所至威惠并茂有古憲臣風年七十  
八卒

錢蔣字時中洪武間舉人任刑部主事執法不阿同部  
郎白李善長之寃上怒連坐病死獄中

劉瑩字仲瑀永樂間進士歷永平廣平二郡守爲政平  
易人歌曰太守政平二郡皆平

許友進永樂間郡諸生貢舉入成均官侍御史以直聲  
顯既忤中人指遂告歸養親臨歿以大志未伸戒其  
子清無得紀述云

陳務本字立卿永樂間歲貢本江西都陽人其先世葬  
塘公陳寧宋端平間講學有聲爲真德秀魏了翁所  
器重累官至安慶同知士民愛戴遂家於桐之官山  
務本寧五世孫爲湖廣武昌府同知修黃鶴樓祿入  
爲盞饘粥不繼時七吟諷泊如也除五蠹劄十利具  
載楚志歸鳳儀山淹通恭謹鄉稱醇儒焉

程政字太和宣德間舉人任磁州同知時蝗蝻大發政  
虔禱於神忽禿鷲飛集啄蝗殆盡因以有聲後改滄  
州值旱政禱於五龍井有白魚五出見雨大注遂稔  
民其立五龍廟肖像祀之

謝佑字廷佐正統間進士初授御史旋改戶曹累奉勅  
諭整飭邊備歷官至山西右藩以致仕歸卒於家時  
母喪未終遺言衰經爲殮以終吾喪蓋佑少孤貧母  
鞠之成故死不忘親也所在治政有清白聲

丘寧字士安正統間貢士天順間爲鎮南衛經歷相城

免賦  
從此

黃公白陽二山舊產礬歲賦礬二萬有奇後礬盡民  
市於別郡以償寧具奏免賦邑人至今德之

韓隆字德崇正統間國子生景泰中令永安邑患虎隆  
禱於神驅之虎遂去永安地險俗器隆盡心民事築

城建學構公署新祀典辨疑獄息巨寇民咸德焉

姚旭字景暘景泰間進士官刑科給事中敷奏詳明在

聲動朝端謫判鄭州清慎自勵擢南安知府盡心民

事而尤以學為先雨暘愆期每禱輒應時歲有秋產

嘉禾民歌頌之陞雲南叅政

王相字廷相景泰間舉人累官兗州府通判董馬政馬

大慈惠政政歸陳白沙為桐鄉深處記贈之

黃憲字景章天順間進士知登州登治瀕海收受山東

各處糧草轉給遼陽吏胥為奸憲皆革去諸郡頌之

方祐字廷輔天順間進士拜監察御史風裁凝峻諸大

臣皆以鐵面許之按河間錦衣官校素怙寵為奸聞

佑風乃惴惴聽命有盜殺縣簿捕弗獲佑佯還朝賀

元旦而除夕返旆襲盜誅之按蘇浙巡鹽一洗宿弊

使鹽利盡歸公府於是恃勢漁獵者銜之矣再按廣

西苗賊窺桂林城守告急佑下令大軍且至吏民妄  
動者斬悉居民尾軍士後令披甲執器出南門入東  
門循環數周苗錯愕走因陳弭盜數事謫都憲一人  
藩臬長以下罰有差及得代還會有邊民被掠而逃  
歸者邏獲之謬以俘聞詔佑及中貴人視刑其人稱  
冤佑廉其情因停刑草封事中貴人不悅佑曰我爲  
聖天子活無辜違恤其他中貴人怒愬於上時銜者  
柄用乘間爲請遂詔衛士杖佑於廷謫知攸縣佑至  
牧求民利害廢置所宜令出而民稱便又設奇擒劇  
盜群盜解散中丞吳琛奉命考楚吏獨獎佑榜所行  
下諸縣爲式而銜者不悅迺推桂林守以桂林舊按  
地抑之也佑乃操紀綱一法令罷賦外之征以病歸  
結屋萬松間足不及城市家居十餘載超然自得焉  
所著有省菴集祀鄉賢祠

江弘濟字本深成化間進士授清豐知縣公廉明恕甚  
得民心以卓異拜監察御史持重有操守常云御史  
紀綱所係糾察在當人心論諫在識大體尋按長蘆  
風裁凜然繼以清戎按雲南設施有法不爲權勢囋

龔且勤加禮敬云以疾卒於行臺卒之日總鎮藩臬  
皆往殮之筭中惟敝衣常服數襲諸總鎮爲綜理歸  
其喪復疏其清苦於朝乞賜表勵拘於例不報弘濟  
外若和易內實剛正與人交務盡誠敬見人之善若  
已出之有不善則掩之爲詩文必根於理不逐時好  
其蒞官行已爲世所與云

蕭珍字廷至天順間國子生任易州馬政判官驗地畝  
均養牧地有占於豪右者清還馬戶用是馬戶皆有  
物力爲大蕃息撫按皆賢之

方印字與信成化間舉人除天台令台爲越劇邑印不  
矯激以沽名勸農興學務以德化民而疾惡不少貫  
甫九月卒囊中俸僅餘八錢僚佐吏爲置棺殮小民  
罷市相弔舊有司卒於官者出不中門乃吏民號哭  
捧柩中門出士大夫競爲詩文哀之先是啣恩者咸  
圖印小像祀於家至是求得十數幅衆爲擇其肖者  
一幅以歸台之人立祠置田至今不絕桐舉鄉賢祀  
之印少事二親朝夕祇見疾而廢寢食憂形於色事  
諸父如父母弟塘欲析家產而兩之印曰吾子一耳



弟子四五分之而自取一疏確焉

方向字與義成化間進士授南京戶科給事中時權貴  
怙寵向特持風裁巨璫陳祖生守備南京尤跋扈不  
法弘治己丑西安門災雷震洪武門鴟吻及孝陵栢  
向應詔上疏劾祖生暨大小臣十數人罪狀覲縷切  
至上爲黜三人餘勅責之祖生等乃銜向遂緣盧主  
事亡逮向下獄事既直祖生等益恨向御史復劾祖  
生等祖生等因抵向前獄失出命大臣鞠之鞠時獄  
具烜赫向不少挫竟貶雲南多羅驛七丞由是向直

聲動天下多羅在西南萬里外向卽日就道旣抵任  
署縣掌學咸有惠教以毋憂歸築室山中遂欲終焉  
後陞湖廣安陸知州安陸及京山數梗向先聲所至  
亡不懾服藩府嘗謂其下曰慎勿干方給事彼不爾  
貸也復陞廣東瓊州知府瓊在南海中政尚囂靡向  
論以朝廷威德嚴恕并行海嶠馴擾瓊有珠池向置  
不問將歸其僕私市一珠渡海半向始覺叱曰而愛  
而珠乎無以而珠喪吾珠遂投之於海云入覲奉京  
邸

錢如京字公溥弘治間進士選監察御史所至有真御  
史名陞副使兵備天津時武宗南巡經費不擾時論  
黷之累擢至右副憲巡撫保定等府歲大饑悉心賑  
濟請發內帑數萬緡給之民賴以生轉兵部左侍郎  
大同兵變京協贊籌畫有功兼左副都御史提督兩  
廣軍務所轄土官多相仇殺益未決當事者利用兵  
以希功賞京曰夷性不常瞬怒相賊乃驅我良民於  
鋒鏑彼朝服暮叛可勝誅乎則有昔賢羈縻之策耳  
疏請罷上官職許立功自贖兵不血刃地方以寧

南文部尚書改刑部時九廟災軍士八連尾礮得金

珠爨燼中爲緝獲下獄司官恐上怒欲以盜祭器論

京曰金非器也非珠也始得末減因病六上章乞致

乃免家居足跡不及公門以山水觴咏自娛卒之夕

有大星隕於城中事聞加太子少保諭祭塋京端嚴

寬厚平居恂也 不見喜愠色臨大事決大疑片言中

理道性孝友雖位至六卿接親友宗族樂易款洽如

未貴時故鄉評以德量享榮祿莫京若焉

雷宗字希曾弘治間進士授知汝陽縣縉有善政擢四

川道監察御史正德時征霸州劇賊奉監諸軍疏戎  
情振頽紀風裁凜然以功見忌於同事誣之被逮謫  
瀏陽典史轉知崞縣甫至卽告休宗鯁直不阿廉潔  
自立家居二十餘年貞志甘貧惟鬻醢自給清風令  
節士大夫咸推重焉卒年八十有四祀鄉賢祠

蕭世賢字若愚弘治間進士任比部執法不撓統璫擅  
權者憚之濠彬巨獄諸所連逮爲之平反甚衆擢守  
嘉興慕前守楊之賢揭其行事於堂奉以爲師歲暮  
羨金千餘却織造樣絹三百餘疋立三館以造士衣

吳蔚與監司上其治行東南第一朝廷褒獎者三擢  
楚副臬卽日辭兩司便道徑去嘉人追送太湖多所  
贈遺揚帆不顧投之以詩有清風兩袖之語嘉人相  
遺愛碑未至楚中道卒囊無餘金以故服殮焉詩文  
力追漢晉所著有梅林集諸稿祀鄉賢祠

余璣字德輝正德間進士授監察御史遇事敢言不避  
權倖乾清宮災疏陳弊政內有扞假子西僧聞者悚  
然尋以發中貴人奸昧譖之下獄杖幾斃謫判安陸  
州復擢知澧州澧縣聯夷峒難治珊首捕桀猾武

一疏去之境類以安嘉靖改元詔起言事落職者擢江  
西僉事平梅花洞大盜尋擢四川威茂兵備副使威  
惠並行番衆畏服大禮成應詔上十漸疏剴切萬餘  
言俱中時弊朝論韙之再補湖廣副使歲饑多方賑  
濟全活甚衆陞四川按察使閱月而卒珊性專學博  
尤邃於曆數居官二十餘年清節始終如一少宰歐  
陽勗其堂曰君子云崇祀鄉賢祠

一疏之爲字瑞卿正德間進士官給舍疏禦邊弭盜深  
時務特宸濠在江有逆龍

不軌之鸞首倡留駕率同輩伏闕號泣移日上意始

沮復疏濠宜亟治未幾反狀聞上欲親征之鸞面請

回鑾及駐蹕南都復著回鑾賦以寓諷諫江彬等譖

王文成通濠之鸞受命會問前後論救凡七上疏世

廟卽位擢僉寧夏單騎走塞上時飛蝗翳天見饑民

采綿蓬子刺蓬子以食取啖之味苦澁甚惡將二蓬

子封題獻御乞發內帑賑之抵塞調度多偉畧是時

花馬池小鹽池毛不刺榆林等處儲胥弗固地故沙

磧版築旣艱亦旋築旋圯之鸞命掘沙丈餘得黃壤

百里外有山七下有泉往鑿水出引以木規又相其  
山石可裂煨之得灰勻土和水而甃築焉詔限五月  
乃三月城成一軍皆驚都御史舉以自代還朝夏入  
遮道如雲號聲數百里隨除河南按察司提學副使  
所獎拔皆中州譽髦文風丕變歷順天府丞未之官  
卒所著有蓉川集入夏錄奏疏若干卷行於世  
潘洪正德間以保舉召見上嘉其丰範端凝授山西按  
察司僉事洪居官明敏不避權豪郡邑有餽遺悉贖  
却弗受尋以忤要津罷歸

吳檄字用宣正德間進士少有氣節初授襄陽推官決  
疑獄賑饑民綽有能聲歷官戶部轉武選郎都督僉  
事姜璵奏邊功乞陞事下職方議職方曰可乃下武  
選擬官檄曰法斬首二百以上者陞一級璵斬級末  
蒲八十當賞不當陞况其功猶未覈耶大司馬張讚  
乃愧服劉民譽者其父從世廟起興藩賜錦衣衛指揮  
民譽欲襲職讚主之檄劄曰法非汗馬功不世今  
其父從龍爵耳焉得襲讚裂劄投地曰必與之檄固  
不可讚自爲劄以千戶請詔不許檄亦以是外補清

一介之操始終一致尤嗜古力學長於詩所著有兵部  
集子自峒

方克字惟力嘉靖間進士歷知貴溪桐鄉二縣並有賢  
聲擢南京貴州道御史中貴人丘得爲南京守備專  
恣不法請益額外兵及餉克抗疏劾之先是克之仲  
父向以論中貴獲譴人爲克危克慨然曰吾得紹前  
人武罪且其之詔革兵餉謫得戍孝陵克天性孝友  
學識淵深撫侄如子居鄉恂也如未遇時嘗按中都  
倉一切裁省歸至北峽關曰豈得以皇華驕父母邦

撤騶從獨乘馬徑趨其家在告幾十年未嘗輕入公  
府事有不便於民者必遺書論之後起泉州守歷官  
陝西苑馬寺少卿致仕卒於家笥無遺積其存心制  
行剛而能恕仁而有威無愧於古人所著有西川文  
集崇祀鄉賢祠

齊傑字士庸嘉靖間進士初官南京刑部主事秩滿  
得請要有同年生屬所知諷之傑歎曰大丈夫拜  
公朝而乞恩私室乎拒不許同年生忿果左遷南刑  
部傑任真推分澹如也亡何出知贛州清廉勤慎克

稱其職卒於官

盛汝謙字亨甫嘉靖間進士授行人權御史按關中歲饑民逃嘯聚萬餘依山爲寇汝謙設康賑之計擒倡亂者數人伏誅餘黨遂解按畿輔歲大饑疏請帑金六萬設賑全活甚衆汝謙綜核吏治一以懲貪勸廉爲首務墨吏望風解綬尤崇獎孝友不率者必懲以法以外艱歸起復遷光祿寺少卿歲汰冗費十數萬中貴有侵冒者庭叱不少徇時分宜柄國汝謙獨守正不阿或謂之曰相君甚重公一出其門華靡可立

致也汝謙拒之曰史失且鬚眉列薦紳肯作犬彘態

睨權豪面孔耶尋拂衣歸分宜敗乃復出累遷南太僕卿駐滁州日集滁人十講明理學延師儒教滁子弟之貧不能學者轉操江僉都御史慨然曰息盜安民吾職也日取標兵躬親閱練沿江夙多盜乃置哨舟令官兵畫地嚴防失事輒連坐之南京貢院號令故用蘆葦士苦濕隘汝謙捐俸修拓改用磚甃試士便之無爲州之士橋河接壤桐境舊有守禦兵數十名桐協濟工役銀七百餘兩遂成額徵汝謙移文請

安慶府志卷之四  
草重累頓釋桐人德焉尋陞南京戶部右侍郎請告  
歸年七十桐人鑄萬姓碑以頌其德汝謙生平敦孝  
友厚宗戚無遠近咸愛而畏之居鄉尤清惠地方有  
大利病引爲身任桐故無城汝謙首倡議建之後流  
賊蹂躪江北桐人得保聚城隍汝謙之力也里人立  
祠祭焉

阮鶚字應薦嘉靖間進士授刑部主事決冤獄鋤強禦  
有聲拜監察御史以才諍提督學校巡按直隸陞浙  
江提學副使禦倭有功陞廣西右叅政未任卽擢太  
副都御史巡按浙江福建等處克平巨寇三奉勅獎  
隆慶元年卒浙人思之立廟崇祀

趙鈇字鼎卿嘉靖間舉鄉試第一旋登進士授刑部主  
事聽讞明允擢禮科給事中值毋八十時張文隱留  
鈇同考會試力辭之竟以冊封得便歸稱觴轉吏科  
左給事中巡視京營咸寧侯仇鸞占役軍卒鈇抗疏  
力爭之勒士歸伍戎政一飭仇銜之衆危鈇不爲  
動以父憂歸服闋累遷太僕寺少卿時民養種馬凡  
有銜痕者輒罪之鈇曰畜馬不騎坐是贅物也弛令



自便民德之滁苦旱鉞以身禱天雨如注滁故有陽  
明書院鉞捐俸新之聚諸儒闡良知之學聞者興起  
後累遷至僉都御史巡撫貴州比至值土舍韓甸攫  
司印逐正官糾黨稱兵三省騷動鉞命總兵等官會  
剿之又為貴條奏便宜六事皆議行焉城內有荒土  
鉞教民引水為田貴之知水耕自鉞始作鳳嬉愛山  
諸堂曰使吏茲土者釋羈思以安職業亡何有媚其  
功者調用南京數年卒於家訃聞上遣官論祭以優  
之鉞家居時罄俸入建祠堂五以奉先世歲二舉祭

仍置義田一區為祭費有餘則周三族之不給者父

弼別號一竹鉞追慕不置著哀竹操以寄思又與諸

昆季敦睦無間其孝友蓋天性也鉞之學以經濟為

主嘗作互秘洞招延賓客廩食其來學者所著有古

今原始無聞堂稿鷄林子等集行於世子鴻賜

吳僖字仕悅嘉靖間貢士任寶慶切劘清白令譽矚然

太守嘉其學行不以下吏遇平頭歸竹麓從兩楹邊

過守問何物役夫覆之僅得檀香檀數升許守為歎

惜久之

吳一介字元石嘉靖間進士初授河南光州知州充胥吏半貴家奴委文喜持短長終一介莫敢讒令者擢屯田員外郎工曹之役無不關中人者時修洪應樂成二殿造費王陵城廣渠門虞度無虛日一介過自滌洗諸中人所奇貨觀者罔敢冒一錢陵制當哀冲太子十九奏成裁七千有奇所裒幾至十萬他裁省稱是擢江西副憲備兵湖西有殺人者三人並論死立出其從二人會廣東峒賊卞豹等屠電白電令棄城走詔舉邊材京兆尹畢鏘疏一介以聞遂移節監南越軍至則選遣將卒授方畧擒卞豹破降數萬一時武功稱最進河南右布政使致仕卒一介至性孝友居恒衣大布飯脫粟屏一切玩好惟圖書自娛桐無城一介與盛汝謙俱議建之及流賊之亂桐賴以全祀鄉賢祠

吳自峒號石蘭大叅檄之幼子也嘉靖間進士初授行人以清望選翰林特詔充裕王講官正色開陳多所裨益穆廟卽位以自峒清官舊屬擢尚寶卿尋再擢太常寺卿贊相郊祀執事有恪先是自峒官詞林時

雅與張江陵爲寮友及江陵柄政杳無隻字相通人咸爲危之而自峒若不知也轉南右通政旋以計典自陳議外補遂拂衣歸江陵敗士大夫交章薦之卒不起自峒九歲失怙事母陸淑人四十年無倦色祿入悉以公之三兄撫誨諸侄不啻已出會桐有建城之役當事經始必破民居而後可成自峒曰吾產可破民居則不可損遂自讓田園界地而築民居無片瓦之折至今誦之孫紹志廕生仕至南寧太守胡效才字用甫嘉靖間進士少貧父其聰不任事效才

授經爲養務得其懽事繼母吳孝吳嘗怒效才率妻

彭氏長跽至夜分俟解乃起嘗館百里外聞吳病卽

馳歸侍疾愈效才寢食乃如常初儲贄築東郭與弟

同居父命析箸則以授仲弟效良尋築南郭又以授

季弟效賢王父之喪衣棺皆效才獨營不煩諸父王

母喪亦如之及外艱亦不煩二弟一門俯仰引爲已

任每日何忍以錙銖較於家庭之間乎居父憂年已

五十哀毀病痺及進士觀政疾轉劇卒於京邸

張澤字大被幼穎異七歲讀論語至事父母竭力事君

致身喟然曰忠孝當如是以選貢授沅江令招民開墾再補巫山却茶稅以蘇商困歲大饑捐俸爲粥存活者多擢衢州別駕時督府胡宗憲威傾兩浙其前驅求索無厭澤杖之欲解綬去胡更延如賓禮戒部人曰而不知此郡有廉吏乎督府新募兵數百擁主糧者而譟澤馳諭之衆遂解散有礦寇擾處澤單騎諭以威福給米數石爲歸餉寇退戒無入衢尋擢廣安知州置釜薪廳下訟者徑入炊廳下須臾決判而去有推官至索賕澤不應因閉署戒聞者勿入知州

澤壤垣人曰澤有豪請君探之而吾亦請探君豪

官大慙而去入計自治騶不以煩民銓曹書其名

壁曰天下廉吏張澤特擢會雲南去家萬里兩僮自

隨分巡安普委印繫七者七有鳳繼祖者武定之屬

夷攻其嫂奪印遂拒命撫按議討澤欲計擒之不聽

使澤監軍五百前發澤嘆曰我欲萬全而當道疑我

怯耶遂往一戰而勝追之戰復勝賊走渡河澤麾衆

前半渡伏起執之居賊寨衣冠危坐時讓以大義賊

置酒獻千金爲壽願得手書移軍門乞赦澤叱曰天

朝人臣寧爲賊作說客耶賊曰不書則有刃耳又叱  
曰及安能休我遂死之事聞贈光祿寺少卿賜卹  
忠節廕一子樹名皖城曰仗節滇南祀鄉賢祠

吳承恩字本賜嘉靖選貢爲河陰令黃河南徙民患之  
承恩禱於河伯河忽北去四十里又令民於其墘築  
堤植柳數十萬耕牧其中遂爲沃土後大饑延堤民  
剝柳膚爲食曰此吳公活我柳也擢潞南別駕吏民  
號泣遮道父老携錢境上曰赤子實賴生養而父母  
空囊行請受此贖承恩曰昔劉寵受民一錢吾不逮

### 祀鄉賢祠

張淳字希古隆慶間進士授浙江永康知縣永吏民黠  
甚初下車案牘無新舊抱尺許窮之淳剖決如流先  
教化後刑名舉治行第一例當得銓部以忤江陵授  
儀制司主事宗室清譜牒每親詣京師餽遺糜費淳  
請於各省稽覈宗室便之時江陵母死諷淳往祭淳  
請病不能卽以郎中請假歸越七年出守建寧淳敦  
大簡淡不事苛細人問之何不永康也曰祖與父母  
不同耳擢湖廣荆岳道副使歲太褻捐俸賑饑活者

數百萬尋請告歸淳事王母及庶母以孝聞撫弟在  
尤極友愛雅志山林不樂仕進優游林下廿餘年爲  
桐川會講學主於躬行不尚虛無又習諸典故郡邑  
有重務必造請而行於所不便力爲民請之年七十  
二而卒七之前十日里人見墜星如斗云  
韓選字惟賢隆慶間舉人居家以孝友稱授定州知州  
政務利民不避權勢嘗畫奇策捕盜七遂屏息民賴  
以安

盛世承字以烈少司徒汝謙之子也萬曆間進士授戶  
部主事尋改兵部遍歷四司凡部尚書有大機務皆  
倚之以決出爲按察司副使備兵大同時邊事旁午  
文牘填委世承馭以鎮靜蒞任五載威信所至西人  
懽服貢市皆如約轉陝西右布政蘭州機戶疲於貢  
絨世承力蘇之隨擢四川左布政會有事於播七平  
又爲善後之策蜀人賴之病免再起以原官備兵陝  
西按行部中墾河灘荒地至千餘頃爲秦中世七利  
病歸再起光祿卿嘗禍削職崇禎初原官起用壽八  
十有八里人立萬姓碑杙焉所著詩文若干子可藩

方學御字名卿萬曆間貢士選廬州府學教授正身率  
物以風教爲已任時命諸子以故鄉米攜充苜蓿盤  
諸生貧者却其贄不受仍資給之郡守聞其清操嘗  
以疑獄屬之鞠執法剖決不可干以私除臨湘令專  
以德化民不任刑罰百姓安之尤崇獎學校歲時課  
士各有定評湘人由是彬彬好學暇日採士之賢俊  
者延見便庭論經史詢利弊竟日忘倦士大夫餽問  
峻拒不納性恬淡所親或以家人生產爲言嘆曰使  
後世稱爲清白吏子孫所貽不旣多乎卒於官絕命

詞有湘中那有鬱林石蕪得輕舟載月明之句貧無  
以爲殮紳士致賻襄事遺愛之聲久而不衰三子大  
崔大崧大嶺皆籍諸生大嶺子若珽順治丁亥進士  
方大美字黃中萬曆間進士授常德推官多所平反擢  
御史巡按江西抗稅璫飭吏治尤好士故事校士皆  
屬學使者大美獨以拔孤寒羅英俊爲已任所培植  
甚盛轉按河南其剔奸造士亦如江西時比大旱大  
美捐俸賑荒全活萬人還朝糾遼璫督大工一時績  
最卓擢太僕寺卿以丁憂歸卒於家大美仁厚公清

生平無鍜簿之行居家尤孝友嫺睦惠逮里閭嘗捐  
祿入爲小宗建祠堂設義田宗人賴之年六十二卒  
子拱乾

吳用先字體中萬曆間北闈鄉試第五壬辰進士令臨  
川均賦便民七懷其德任七年以卓政徵擬諫垣不  
果僅得戶主政旋改職方典閩闈最稱得士歷議曹  
遷浙臬爲政平恕任德黜刑謂寃則白之當其罪可  
耳何敲扑爲遂歷浙左右藩凡解公鑑令鑄官吏名  
數多寡出納皆原錠無一毫耗羨治稱方面第一擢





